

**10 СЕНТЯБРЯ: Преподобнаго Йова, игумена и чудотворца святѣя
Лавры Почаевскія.**

Вечером 9 сентября

Изменяемое №1

На Господи воззвах:

Стѣх: Изведи из темницы душу мою, исповедатися имени Твоему.

Стѣх: Мене ждут праведницы, дондеже воздаси мне.

Стѣх: Из глубины воззвах к Тебе, Господи, Господи, услыши глас мой.

Стѣх: Да будут уши Твои внемлюще гласу моления моего.

Стѣх: Аще беззакония назиши, Господи, Господи, кто постоит; яко у Тебе очищение есть.

Глас 8. Отче преподобне Йове! Ты, измлада возлюбив Христа/ и к нему желание невозвратно имый,/ десятилетен сый, уклонился еси от очию любимых ти родителей/ и во обители светлаго Преображения Господня Угорницстей вселился еси,/ равноангельнаго жития искый,/ и почести Вышняго звания,/ и града Небеснаго грядущаго./ Отонудуже призирая ныне на чтущих память твою,/ моли Христа Бога/ даровати нам помысл добрый о спасении/ и велию милость.

Стѣх: Имене ради Твоего потерпех Тя, Господи, потерпе душа моя в слово Твое, упова душа моя на Господа.

Отче преподобне Йове! Ты, от юности возлюбив Христа Бога/ и душу твою хотя украсити чистых помышлений и желаний богатством,/ вся красная мира сего во уметы вменил еси,/ сего ради по двою лету/ короткаго и трудолюбнаго послушания во обители/ ангельский чин восприял еси,/ именем древлезаконнаго Йова нареченный;/ моли Христа Бога/ даровати и нам желание нераскаянное вечныя жизни/ и велию милость.

Стѣх: От стражи утренния до нощи, от стражи утренния, да уповает Израиль на Господа.

Отче преподобне Йове! Многотрудный путь жизни твоей текый/ и к свету невечернему устремляя духовныя очи твоя,/ великий

а́нгельский о́браз восприя́ти на ся изво́лил еси́/ и, я́коже пре́жде в Креще́нии твоём,/ та́ко и ны́не и́менем Крестите́ля и Предте́чи Христо́ва Иоа́нна/ па́ки нарече́н был еси́,/ с ни́мже Христа́ Бо́га моли́/ дарова́ти нам благода́ть спасе́ния/ и ве́лию ми́лость.

Сті́х: Я́ко у Го́спода ми́лость, и мно́гое у Него́ изба́вление, и То́й изба́вит Изра́иля от все́х беззакони́й его́.

Глас 2. Ки́ими похва́льными венца́ми/ увязе́м преподо́бнаго,/ мона́хов сла́ву, де́вственных целому́дрие,/ схимона́хов украше́ние и всех учи́теля?/ Ещѐ бо су́щу ему́ во оби́тели Уго́рницстей,/ мно́зи нача́ша приходи́ти к нему́ по́льзы ра́ди душе́вныя,/ благоче́стивый же Остро́жский князь Константи́н/ испроси́ его́ во игу́мена оби́тели Крѣстныя на о́строве Ду́бенстем,/ да пока́жет о́браз и́стиннаго богоуго́днаго жити́я в Во́лынстей землі,/ в не́йже тогда́ во́лцы тяжцы́и расхища́ху правосла́вное ста́до Христо́во,/ в лати́нское соединѐние совра́щающе,/ и да научи́т всех в еди́ней и́стинней Кафоли́честей Правосла́вней ве́ре/ пребыва́ти о Го́споде,/ прося́ у Него́ ми́ра ми́рови/ и спасе́ния душáм на́шим.

Сті́х: Хвалі́те Го́спода все́ язы́цы, похвалі́те Его́ все́ лю́дие.

Ки́ими похва́льными пе́снями/ ублажи́м преподо́бнаго?/ Прия́в бо жезл правле́ния игу́менскаго во оби́тели Ду́бенстей,/ неле́ностно подви́зашеся проти́ву клеврѐтов иновѐрия,/ сво́их и́ноков во благоче́стии и ве́ре утвержда́я/ и тех подви́зая писа́ти кни́ги Божѣственныя/ в защи́щение Це́ркве и ве́ры Правосла́вныя,/ я́коже и сам писа́нием о́них упражня́шеся,/ кúпно же и кня́зя Константи́на/ ко изда́нию первопеча́тныя словѣ́нския Би́блии,/ я́ко оте́ц его́ духо́вный,/ к назидáнию и утеше́нию ве́рных подви́же,/ и ны́не мо́лит Го́спода пода́ти мир ми́рови/ и спасе́ние душáм на́шим.

Сті́х: Я́ко утверди́ся ми́лость Его́ на нас, и и́стина Господня́ пребыва́ет во ве́к.

Ки́ими похвала́ми возвели́чим преподо́бнаго,/ его́же сла́вою и че́стию венча́ Сам Господь и Ца́рь сла́вы,/ я́ко не мощи́ ему́ утайтися от современник сво́их?/ Те́мже, вре́менныя че́сти избежа́ти хотя́,/ кúпно же и озлобле́ний от клеврѐтов иновѐрия/ за любóвь к Правосла́вию,/ умы́сли оста́вити нача́льство,/ е́же вѣщши двáдцати лет исправля́ше на о́строве Ду́бенстем,/ и о́тай во о́бразе проста́го

інока востечé на гóру Почáевскую,/ невідимóю благодáтию Дúха Бóжия водімь,/ да назидáет и прослáвит дівным житиém своїм и обітель Почáевскую,/ прося у Христá Бóга мiра мiрови/ и спасéния душáм нáшим.

Слáва, глас 5: Давiдски днесь воспóйм в пáмяти твоéй,/ всеблажéнне óтче наш Йóве:/ насаждéн был есi воiстинну в домú Госпóдни на горé Почáевстей/ и, я́ко дрéво благосеннолiственное,/ процвёл есi во дворé Прiсно дéвы Богомáтере/ при истóчнице цельбоно́сныя стопы́ Ея./ Отонúдуже плоды́ приéмлюще многоразлiчных даровáний,/ прославля́ем прослáвльшаго тя Гóспода,/ Егóже моли́ даровáти нам/ мир и вéлию мiлость.

И ны́не, Богорóдичен: В Чермнем мори, Неискусобрачныя Невесты образ написася иногда: тамо Моисей, разделитель воды, zde же Гавриил, служитель чудесе. Тогда глубину шествова немокренно Израиль; ныне же Христа роди безсеменно Дева. Море по прошествии Израилеве пребысть непроходно; Непорочная по рождестве Эммануилеве пребысть нетленна. Сый и прежде Сый, явлейся яко Человек, Боже, помилуй нас.

<далее см. основной Чин>

Изменяемое №2

Прокiмен после «Свéте тiхий»: *См. Прокимен дня <далее см. основной Чин>*

Изменяемое №4

Лития *глас 3:*

Общáго жития́ мона́шескаго начальнику в Россiйстей земли подóбся,/ преподóбному Феодóсию Печёрскому,/ был есi первоначáльник óбщих житiй на горé Почáевстей,/ преподóбне óтче наш Йóве;/ но и пусты́ннаго Антóниева боголюбéзнаго жития́ не уклоня́лся,/ в тéсней и тёмней пещéре кáменной,/ богомы́слия рáди и молiтвы,/ многократно заключáлся есi/ и, тáко подвизáлся,/ сугúбо достiгл есi добродéтелей совершéнства,/ iмиже украшáема обітель твоя́/ áбие велiкое iмя Лáвры восприят,/ Лáвре Киевопечёрстей, мáтери своéй, последующи,/ ея́же iноки дрéвле основáся;/ и ны́не, всеблажéнне,/ наставля́й нас ко свéту богоразúмия/ и моли́ Христá Бóга спасти́ дúши нáша.

Глас 4: Вседержительною десницею укрепляемь,/ новым подвигом духовным вдал еси себе, Богоблаженне,/ и, к свету незаходимому простирался,/ укрепляемь был еси благодатию свыше/ и сиянием света неизреченного от иконы Пречистойя/ в твоей пещере озаряемь,/ темже, якоже древле Сергий преподобный Радонежский/ от лица Самыя Божия матери,/ и, преукрашенный благодатию Божественною,/ обитель твою прославил еси,/ и ныне верных сердца просвещаеши,/ чтущих любовью память твою.

Глас 7: Кий разум или язык возможет изрещи или похвалити/ по достоянию житие твое, угодниче Божий?/ Ревностию бо распалюемь втораго Илии,/ Предтечи и Крестителя Христова,/ плевелы иноверия и соблазны человеческих мудрований отревал еси/ и, благоверному великому князю Александру Невскому подражая,/ учения латинская презрев,/ и прелесть их обличив, и самих укорив,/ и дерзость их, и вся неистовая шатания/ противу тебе и обители твоей нивчтоже вменил еси./ Темже православнии вси,/ яко оплот крепкий праотечестей вере в тебе имуще,/ обители Почаевстей великое звание Лавры усвоиша;/ отонудуже четыре Лавры во отечестве нашем,/ якоже четыре великая светила, возсияша:/ южная святая Лавра Печерская во Киеве,/ Троице-Сергиева на востоцех,/ Александроневская же на севере, во граде святого Петра,/ и Почаевская на западе –/ в просвещение всем концем Российския земли и в прославление Бога,/ дарующаго нам велию милость.

Слава, глас 1: Не именем токмо, но и самую вещь/ многоболезненному оному в ветсем законе Иову,/ блаженнейший отче наш Иове, уподобился еси/ и во всех жития противностях и искушениях Богу Единому тебе вдавал еси./ Темже и нас мужеству и терпению,/ смирению же и страху Божию научи,/ да в напастех и скорбех взываем о Господе непрестанно:/, якоже Господеви изволися, тако бысть./ Буди Имя Господне благословено во веки.

И ныне, Богородичен: Дивный прорече Исаия,/ яко будет в последние дни явлена гора Господня/ и дом Божий верху горы./ И се, якоже древле на горе Сиони,/ на горе святей Божией,/ изволи явитися Господь,/ тако и в последние дни благоволи о нас,/ да от гор

Кіевских освятіши нас благодатию Твоєю, Пренепорочная Мати!/
Ты бо направила еси стопы печерских иноков, / да, от злаго нашествия
Батьева спасающесея, / утвердятся на избранной Тобою горе
Почаевстей, / идеже и обитель честную во имя Твое / онем
благомощне устроити изволила еси. / Темже весело ныне на святей
горе Твоей празднующе, / со Архангелом вопиём Ти: / Благодатная,
радуйся, с Тобою Господь, / подай Тобою миру велию милость.

<далее см. основной Чин>

Изменяемое №5

По полиелее седален *глас 4:*

Приидите, празднующи, духовный настроивше слух, / приидите,
соберитесь вси в пещере всеблаженного отца нашего, / идеже
почивает нетленное тело его, / и, тое благоговейно обстояще,
услышим, что возопиет пещера сия, / аки птица, от среды камня
дающи глас свой: / како иногда чрез три дни, оводгда же чрез целую
седмичу, / един в ней затворенный и ничимже, точию слезами, от
чиста сердца изливаемыми, питавыйся, / о благостоянии мира, во
зле лежащего, моляшесе. / Того молитвами пощадь, Господи, души
наша.

Слава, и ныне, Богородичен: Веселися, Волынская земле, и вся страны
Российския, / горы и холмы Почаевстии, воспещите руками, / се бо
Царица и Владычица от Престола Небеснаго грядет со Ангелы во
спасение обители Своей от нашествия агарянского, / имущи одесную
Себе всеблаженного угодника Своего и чудотворца Почаевского
Иова, / и тако разгна вся полки противных, / Почаевстей же обители и
спасаемому присно народу Российскому избаву и бессмертную
славу содела.

<далее см. основной Чин>

Изменяемое №6

Степенна, 1-й антифон 4-го гласа.

Прокимен *глас 4:* Восхвалятся преподобнии во славе / и возрадуются
на ложах своих. *Стих:* Яко не оставиши души моей во аде, ниже да си
преподобному Твоему видети истления.

<далее см. основной Чин>

Изменяемое №7

По 50-м псалмѣ стихіра *глас 6:*

Желѣзом именуемъ по благородію плоти,/ преподобне отче наш
Йове,/ твердее всякаго адаманта несокрушимаго/ оставил еси нам
всечестное нетленное тело твоё;/ темже днесь сошедшеся в пещере
твоёй,/ архиереи с чины священников, и иночествующих сословие, и
благочестных народи,/ и к раце многоцелѣбных мощей твоих
припадающе, молим тя,/ угодниче Божий, не забуди нас,/ предстоя
духом Владыце и еѳо Пречистой матери на Небеси,/ но всегда
пребывай с нами,/ да, твоєю помощію и заступлением присно
ограждаемы,/ спасаемы и избавляемы от всех зол, видимых и
невидимых,/ вопіем ти до скончания века:/ радуйся, древо,
насажденное при источнице/ цельбоносныя воды от стопы Божия
матере,/ да вси жаждущии от Тебѣ питіе жизни почерпают;/ радуйся,
праведниче, по слову псаломскому,/ аки финикс, процветый на горе
Почаевстей,/ да алчущих правды и всякия благостыни истиною и
благонравіем напитаети;/ радуйся, узы разрушения перстнаго/ в
нетлении твоём благодатию Божіею расторгнувый,/ да от всяких
губительных недугов/ страждущим врачевство и исцеление
подаеши./ Радуйся, Йове, преславный угодниче Божий/ и обители
Почаевския украшение. *<далее см. основной Чин>*

Изменяемое №8

Канон преподобнаго *глас 8.*

Песнь 1

Ирмос: Поим Господеву,/ проведшему люди Своя сквозѣ Чермное море,/ яко Един
славен прославися.

Посли ми от Господа, отче всеблаженнейший, оставление многих
моих согрешений/ и слово ми даруй, да по достоянію воспою
похвальная тебѣ,/ в еѳоже памяти и прославлении Господь, яко
Един, славен прославися.

Родился еси, угодниче Божий, от родителей правочестных и
христоролюбивых,/ твердо и неизменно благочестия истиннаго
державшихся,/ в бывшей иногда Православней странѣ Галичстей;/ но,
яко предвидя духом имущую объяти ю/ и обдержавшую даже до
днѣшняго дне прелесть латиноунитскаго омрачения,/ званию
Острожскаго князя Богомудренно последовавый,/ пришел еси в

пределы Во́лынскія земли,/ иде́же о Го́споде сла́вно прославля́ешься.

Богоро́дичен: О Тебе́ ра́дуется, Благода́тная, вся́кая тва́рь,/ го́ра же Поча́евская изря́днее торжеству́ет ны́не,/ соверша́ющи па́мьть всеблаже́ннаго уго́дника Твоего́ Йо́ва,/ в нёмже со стопо́ю цельбоно́сною и чудотво́рною ико́ною Твое́ю,/ я́же во оби́тели Поча́евстей, от лет дре́вних, Пречи́стая, сла́вно просла́вилася еси́.

Пѣснь 3

Ирмо́с: Ты еси́ утвержде́ние/ притека́ющих к Тебе́, Го́споди,/ Ты еси́ Свет омраче́нных,/ и поёт Тя дух мой.

Ты еси́ вои́стинну утвержде́ние всех притека́ющих к тебе́, о́тче всеблаже́ннейший,/ зерка́лом добродете́лей твои́х омраче́нная ду́ши ко свѣту благоче́стия направля́я;/ кто у́бо не восхо́щет подража́ти тебе́,/ я́ко был еси́ зело́ братолюбив, смире́н, кро́ток, ми́лостив и толи́ко молчали́в,/ я́ко тяжце́ бы́ло ино́ что слы́ша ти от Тебе́,/ то́кмо при ко́емждо де́ле и дви́жении, а́ки реку́, моли́тву си́ю, из уст твои́х исходя́щую:/ Го́споди Иису́се Христе́, Сы́не Бо́жий, поми́луй мя./ Те́мже ве́село поёт тя дух мой.

Оби́тель тво́я Поча́евская/ мно́гими ле́ты окормля́ется плоды́ честны́х трудо́в твои́х, уго́днице Бо́жий,/ я́ко безпреста́нно рукоде́лии много́различными упражня́лся еси́,/ си́есть насажде́нием дре́вес садо́вных,/ управле́нием и благоукраше́нием вертогра́дов, сы́панием грѣблей,/ я́же и до днёсь и́стинствуют на горе́ Поча́евстей,/ и я́же созерца́я, в ра́довании се́рдца поёт тя дух мой.

Богоро́дичен: И́же от ве́ка сый утвержде́ние притека́ющих и Свет омраче́нных,/ яви́ Тя нам на горе́ Поча́евстей прибе́жище,/ непосты́дную наде́жду, покрóв и огражде́ние от враг ви́димых и неви́димых.

Седáлен, глас 3: Возсия́л еси́, я́ко заря́,/ не от восто́ка, но от за́пада Росси́йскаго восходя́щая, уго́днице Бо́жий,/ егда́ нужд ра́ди церко́вных от обдержа́щия у́нии/ был еси́ в богоспаса́емом гра́де Ки́еве на собо́ре святы́х оте́ц,/ иде́же, во святе́й Киевопечѣрстей

Лавре,/ еяже преподобными отцы, от злаго нашествия Батьева спасавшимися,/ и обитель Почаевская древле основася,/ клятвенно обещаюся еси купно со иными в вере Православней, отечестей, крепко и неизменно стоять,/ николиже и никакоже о отступлении в иновере не мыслити/ и к сему всероссийский народ увещавати, да слышиши от всех:/ радуйся, ясное зеркало апостольских преданий;/ радуйся, живопримный источник истинных Кафолических правил;/ радуйся, еретических баснословия премудрый истребителю;/ радуйся, глубины Православных догматов искусный измерителю:/ радуйся, Божественный органе, возшумевший нам учение спасительное;/ радуйся, Йове, преславный угодниче Божий и обители Почаевския украшение.

Слава, и ныне, Богородичен: Прославим, вернии, Царицу и Владычицу Почаевскую,/ паче же во устех и сердцах наших имама всегда святое и благословенное имя Ея,/ непрестанно притекающе к цельбоносней стопе Ея и Пречистой иконе,/ купно же и к мощем угодника ея на горе Почаевстей,/ теми бо обретаем яже на земли благая и полезная/ и сущих на Небеси сокровищ сподобляемся, вопиюще Благодатней:/ радуйся, похвало Почаевская,/ спаси ны, молящаяся Тебе,/ надеждо наша и утешение.

Песнь 4

Ирмос: Услышах, Господи,/ смотрения Твоего таинство,/ разумех дела Твоя/ и прославих Твое Божество.

Еже о тебе смотрение Свое Божественное исполняя,/ Господь благомощне возврати, по молитвам твоим,/ во обитель твою пречестную икону Своея матери,/ от безбожнаго вельможи, купно со иными монастырскими вещми, из Почаева похищенную,/ да разумеют вси действие силы Бога Живаго в тебе/ и прославят его Божество.

Радости несказанный исполнися богоблаженное сердце твоё, преподобне,/ егда видел еси инока во обители твоей,/ иже, от татарина обезглавленный, взят абие главу свою отсеченную/ и сию

пред чудотворною иконою Пречистыя полжи;/ и тако уразумев,
Богомудре, от Господа быти дело сие,/ прославил еси его Божество.

Богородичен: Еже, радуйся, от Ангела с Небеси приемшая,/ обрadowала еси несказанно всеблаженного угодника Твоего,/ егда светом неизреченным озарила еси пещеру его от пречестныя иконы Твоея,/ являючи еже о нем благодатное смотрения Своего таинство,/ в прославление Божества Сына Твоего,/ такую власть, яко матери Своей, Тебе даровавшего.

Песнь 5

Ирмос: Утренююще, вопиём Ти:/ Господи, спаси ны,/ Ты бо еси Бог наш,/ разве Тебе иного не вемы.

Имый дарования многоразличныя от Господа, угодниче Божий,/ сподобился еси благодатию его провидети прежде седми дней кончину твою;/ и тако безболезненно отшел еси ко премирным,/ воспевая до кончины своей о Бозе Спасе твоём:/ разве Тебе иного не знаю.

Адамову райскую жизнь воистинну наследовал еси, преподобне,/ яко душа твоя не оставися во аде, ниже плоть твоя в иде истления,/ но и из спуда земнаго явил еси нам нетленные мочи твоя,/ да, благодаряще Бога, сиевую милость на тебе показавшаго,/ утренююще ныне, вопиём ему весело:/ разве Тебе иного не вемы.

Богородичен: Небесных не разлучающихся, и земных не оставляеши, Владычице,/ яко низошла еси на гору Почаевскую в столпе огненнем,/ идеже и стопу твою цельбоносную оставила еси,/ ейже водами напаяемый, угодник Твой Йов Почаевский/ живот вечный и нетление наследова, воспевая о Тебе:/ разве Тебе, Владычице, инья не знаю.

Песнь 6

Ирмос: Ризу мне подаждь светлу,/ одейся светом, яко ризою,/ Многомилостиве Христе Боже наш.

Досифея, ученика и писателя твоего жития,/ чудесно исцелил еси от обдержания его болезни, угодниче Божий,/ со Ангелы святыми во светлости необычной явлься во храме Почаевском/ и плат,

міром целібным напоєнный, томú послáв,/ да отрёт им тѣло своѣ и áбие грядёт в цѣрковь на всенóщное бдѣние/ прилучívшагося рáди свѣтлаго прáздника **Всемирнаго Воздвїжения Крестá/ Многомїлостиваго Христá Бóга нáшего.**

Многоцелібных мощей, преблаженне, сїлою, по дáнной ти свѣше благодáти,/ отгоняеши дѣмонов от всех с вѣрою к тебѣ притекáющих,/ научáя всех прославляти имúщаго держáву смѣрти и áда Гóспода,/ Многомїлостиваго Христá Бóга нáшего.

Богорóдичен: Едїну в женáх їстинным свѣтом, я́ко рїзою, одѣявшуюся,/ вїдеша Тебѣ, Богомáти, Почáевстии лю́дие во время брáни Збарáжския,/ и омофóром белоблестящимся покрывáла есї тогда обїтель Твою,/ научáючи всех, кúпно с предстоящим Ти угóдником Твоим, прославляти даровáвшаго Тебѣ сїлу такову́ю/ Многомїлостиваго Христá Бóга нáшего.

Кондáк, глас 8: Возсїя от спúда земнáго сокровище нетлѣнное мощей твоих,/ угóднице Бóжий,/ я́ко, благочѣстно пожїв в вѣре Христá Бóга нáшего,/ достїгл есї добродѣтелей совершенства,/ и, оставль слáдость житїя преходящаго,/ в пещѣре гóры Почáевския в пощѣниях, молїтвах и трудѣх свято подвизáлся есї,/ и тѣми тѣло твоѣ увядїл есї./ Ны́не же, прешѣд к Бóгу в безмятѣжный и вѣчный покóй,/ мóлишися о всех с вѣрою к тебѣ прибега́ющих./ Рáдуйся, Ё́ове, преслáвный угóднице Бóжий/ и обїтели Почáевския украшѣние.

Їкос: Пою́ще преслáвное о тебѣ смотре́ние Бóжие и чудесá твоя, преподóбне óтче,/ мóлим тя всеусѣрдно, рабї твой,/ не забúди и нас во вся дни животá нáшего,/ но всегда́ пребывáй с нáми,/ да, твоим заступлѣнием и пóмощию ограждáеми,/ спаса́еми и избавля́еми от всех зол, вїдимых и невїдимых, вопи́ем ти:/ рáдуйся, дѣлателью дóбрый,/ от úтра до вѣчера столѣтнїя твоѣй жїзни дѣлавый благочѣстно в вертоградѣ духóвней;/ рáдуйся, тяготú и вар многотруднаго житїя твоегó рáди Гóспода охóтно понесýй;/ рáдуйся, я́ко к животú нетлѣнному и пристáнищу Божѣственному достїгл есї;/ рáдуйся, благїй ра́бе и вѣрный, вшѣдый в рáдость

Господа твоего;/ радуйся, светильнице веры, просвещающей души благоговейно память твою совершающих;/ радуйся, Йове, преславный угодник Божий/ и обители Почаевския украшение.

Песнь 7

Ирмос: От Иудеи дошедше, отроцы/ в Вавилоне иногда/ верою Троицкою пламень пещный попраща, поюще:/ отцев Боже, благословен еси.

Иже от веры отеческия в римское соединение дошедшия иновёрныя латиноуниты иногда/ верою Троицкою Православною вразумлил еси, преподобне,/ егда поущением Божиим обитель Почаевская баше во власти их,/ научая их судом тяжким и ведении многоразличными и чудесы,/ да и сии, якоже и мы, православнии, чтут тя любезно,/ яко истиннаго слугу Господа, Единого отцев Бога благословеннаго.

Христос ты устрои в лице святых Своих,/ Христос ты и в поправление иновёрным не даде, отче богоносный,/ паки возвратив обитель Почаевскую во одержание православным/ и с нею купно святых мощи твои,/ во еже всем с верою припадающим и молящимся пред ними/ прославляти его Единого, отцев Бога благословеннаго.

Богородичен: Образ Твой честный и стопу Твою цельбоносную от иновёрных охраняющи,/ утвердила еси паки Православие на святей горе Твоей, Владычице;/ темже во храме преподобнаго угодника Твоего, от нас, православных, устройением,/ собравшеся днесь и от него плоды чудес наслаждающеся,/ поем Тя и Сына Твоего,/ Единого отцев Бога благословеннаго.

Песнь 8

Ирмос: Царя Небснаго,/ Егоже поют вси ангельстии,/ хвалите и превозносите во вся веки.

Идем вси в пещеру угодника Божия и видим,/ како, возвращшейся горе Почаевстей на лоно Православия,/ паки архиерейскими руками честных мощи его поставляются для всеобщаго поклонения,/ и, со умилением припадающе к раце его,/ православно прославим Царя Небснаго,/ даровавшаго сиецую честь избранному Своему,/ хваляще и превозносяще его во веки.

Небѣснаго Царя законы духовными воспитани,/ царие Россійстии притека́ху к тебе́, всеблаженне,/ и, твоему́ нетленному телу поклоня́ющися и с любовью́ любыза́юще е́,/ прославля́ху Го́спода, просла́вльшаго тя,/ хва́ляще и превознося́ще его́ во ве́ки.

Богоро́дичен: Арха́нгельский глас вопи́ем Ти, Чи́стая: ра́дуйся!/ Ра́дуйся, избра́вшая го́ру Поча́евскую во одержа́ние Себе́,/ да вси притека́ющим к Тебе́ и Твое́й цельбоно́сней стопе́ и чудотво́рней ико́не припа́дающим/ просла́вят Царя́ Небѣснаго, Единоро́днаго Сы́на Твоего́ и Бо́га на́шего,/ пою́ще и превознося́ще его́ во ве́ки.

Пѣснь Богоро́дицы: Вели́чит душа́ моя́ Го́спода: <см. основной Чин>

Пѣснь 9

Ирмо́с: Вои́стинну Богоро́дицу/ Тя испове́дуем,/ спасѣннии Тобо́ю, Де́во Чи́стая,/ с Безплóтными ли́ки Тя велича́юще.

Цѣркве Россійския Правосла́вный и́стинный сын,/ возведи́, Богоблаженне, о́крест о́чи твой и ви́ждь:/ се бо приидо́хом к тебе́, ча́да твоя́, от восто́ка, се́вера и ю́га,/ и от за́пада срóдницы твой душе́ю и всем помышлѣнием сво́им устремля́ются к тебе́,/ на святу́ю го́ру твою́ Поча́евскую,/ от у́нии к праотечестей ве́ре возврати́тися жела́юще,/ ихже в еди́ное вои́стинну свято́е соединѣние с на́ми призови́,/ да, спаса́емии на лóне Цѣркве Правосла́вныя/ о Го́споде, еди́ними усты́ и еди́нем се́рдцем испове́дуем его́ вси,/ с Безплóтными ли́ки велича́юще.

Кре́пость душе́вную пода́ждь ми, уго́днице Бо́жий, обнаже́нному до́брых дел,/ в ми́ре же и благоче́стии жити́е моё устро́й/ и всем при́сным и зна́емым мо́им/ и всем правосла́вным христиа́ном спасѣние да́руй моли́твами тво́ими,/ да и мы с тобо́ю предста́нем лицу́ Бо́жию по кончи́не сво́ей,/ с Безплóтными ли́ки велича́юще Го́спода во ве́ки.

Богоро́дичен: И да́ждь кре́пость нам, Богоро́дице,/ иму́щи о нас ходата́я всеблаженнаго уго́дника Твоего́ Йо́ва,/ притека́ющим на святу́ю го́ру Твою́/ и от го́ры Твое́й Тя призыва́ющим, от всяких бед и напáстей свободи́ моли́твами преподо́бнаго,/ да Тя ублажа́ем, яко вои́стинну Богоро́дицу,/ с Безплóтными ли́ки Тя велича́юще.

Светілен глас 8:

Избранный от Господа, благий рабе и верный,/ угодниче Христов,
преподобне отче наш Йове,/ твоим заступлением и
предстательством ограждаемы,/ похвальная восписуем ти,
поведающе благия подвиги и чудеса твои,/ и благодарственная
возсылаем моления прославльшему тя Господу и Царю славы./ Ты
же, яко имея дерзновение ко Господу и Пречистой его матери,
Приснодеве Богородице,/ от всяких нас бед свободи, зовущих ти:/
радуйся, Йове, преславный угодниче Божий/ и обители Почаевския
украшение.

Слава, и ныне, Богородичен: Взбранней Воеводе, избравшей гору
Почаевскую в место селения Своего,/ похвальная восписуем Ти,
раби Твои, Богородице,/ яко от лет древних прославила еси место
сие явлением цельбоносных стопи Твоея/ и Твоего Божественного
образа чудодействием./ Темже, яко избавльшая иногда обитель
Твою от нашествия агарянского,/ от всяких нас бед и напастей
свободи,/ да всегда, Твоею помощью избавляеми, благодарив
вопием Ти:/ радуйся, похвало Почаевская, надеждо наша и
утешение.

На стиховне стихиры глас 4:

Дал еси воистинну Божественное знамение/ твоего благочестия и
благоугождения Господеви, преподобне отче,/ егда в конце
столетия жизни твоея/ толика прозорливости сподобился еси,/ яко
день и час отшествия твоего/ прежде седмицы предрекл еси,/ и тако
во уреченный час, по Божественной литургии,/ тобою самим
совершенней,/ абие кроме всякия болезни мирно отшел еси ко
Господу,/ научая всех звати тебе:/ радуйся, Йове, преславный
угодниче Божий/ и обители Почаевския украшение.

Стих: Праведник, яко финикс, процветет,/ яко кедр, уже в Ливане, умножится.

Дал еси воистинну несомненное знамение/ твоего Небесного
прославления, преподобне,/ егда чрез седьмь лет по успении твоём/

свѣтлость от грѣба твоегѣ исхождѣше./ Недоумевѣху же вси,/ откуду и коея рѣди винѣ лучѣ сѣя исхождѣше,/ дѣндеже сам явилсѣ есѣ в сѣннем видѣнии/ Кѣевскому митрополѣту Дионѣсию,/ извествѣя, яко хѣщет Бог чрез негѣ открьѣти мѣщи твоя,/ ѣже слѣшавше, вси вопиѣху тебѣ:/ рѣдуйсѣ, Йове, преслѣвный угѣдниче Бѣжий/ и обѣтели Почѣевскѣя украшѣние.

Стих: Яко не оставиши дѣуши моѣй во ѣде,/ ниже дѣси преподѣбному твоему видѣти истлѣния.

Дал есѣ воѣстинну непрелѣжное знѣмение/ пренебѣснаго ѣже о тебѣ промыслѣния Бѣжѣя, преподѣбне,/ егдѣ благочестѣивый митрополѣт,/ прѣтѣк ѣбие со всем клѣром на гѣру Почѣевскую/ и испѣтѣв прилѣжно о богоугѣдном житѣи твоем,/ повелѣ открьѣти грѣб,/ в немже обрѣте честнѣя мѣщи твоя/ кромѣ всякаго тлѣния,/ благоухѣния несказѣннаго испѣлнены,/ и тѣко внесѣ тѣя в цѣрковь для всенарѣднаго поклонѣния,/ ублажѣя тѣ и поѣ ти рѣдѣстнѣ:/ рѣдуйсѣ, Йове, преслѣвный угѣдниче Бѣжий/ и обѣтели Почѣевскѣя украшѣние.

Слѣва, глас 8: Днѣсь горѣ Почѣевскѣя,/ яко сокровѣще неоценѣнное,/ яко бѣсер многоцѣнный/ имѣщи свѣтѣя и многоцѣлѣбнѣя мѣщи твоя, всеблажѣнне,/ духѣвно рѣдуется,/ и землѣ Волѣнскѣя, заступника тѣ приснаго себѣ имѣщи,/ вѣсело торжѣствуѣет,/ и пещѣра, в нѣйже Богомѣдренно подвизѣлся есѣ,/ о тебѣ красѣуется,/ пресвѣтлѣя же обѣтель Почѣевскѣя,/ пѣмѣть твоѣю прѣзднѣючи,/ торжѣственнѣя возсылѣет Гѣспѣдеви,/ тебѣ в стѣну неразѣрѣму еѣ дѣвшѣму./ Мы же, чѣда твоя,/ ко всечѣстнѣй рѣце твоеѣ припѣдающе, мѣлимтѣся:/ молѣ спѣстѣся дѣшѣм нѣшим.

И нѣне, Богѣрѣдичен: Срѣдуютсѣ с нѣми ѣмнѣя всѣ чѣночѣлѣя,/ духѣвно совокѣпльше чѣвственнѣй лик,/ видѣще Цѣрѣцу и Владѣчицу всех,/ многоимѣнне в цѣльбѣнѣснѣй еѣ стопѣ и икѣне Почѣевстѣй/ вѣрнѣми слѣвиму,/ рѣдуютсѣ же и дѣси прѣведнѣх,/ сѣущѣи зрѣтелие видѣния на воздѣусѣ,/ зрѣще молѣбно прѣстирѣюще всечѣстнѣи Свѣи рѣце/ над обѣтелию Почѣевскою/ и вскрай Еѣ стоящаго на ѣблацѣх небѣсных,/ во свѣтлѣсти необѣчнѣй, Йѣва, чудѣтвѣрца Почѣевскаго,/ молѣящѣся, да не прѣдѣст в рѣце врагѣв

обители,/ просяща умирения мiрови,/ Церкви укрепления/ и спасения душам нашим. *<далее см. основной Чин>*

Утром 10 сентября

Изменяемое №11

По 1-м стихословии седальны *глас 5:*

Днесь веселится Небо свiше, и обитель Почаевская светло радуется,/ святая же Церковь Божия, яко пресветлыми лучами,/ многими чудес светлостями от всечестнiя раки преподобнаго озаряема, торжествует,/ вся страны и всяк язык созываючи ублажити великаго угoдника Божия./ Темже сошедшеся вси, того славную память в пiснях и пiниях почтiм,/ просяще у Христа Бога нашего молитвами его мiра мiрови и велия милости.

Слава, и ныне, Богородичен: <далее см. основной Чин>

Изменяемое №12

По 2-м стихословии седальны *глас 2:*

Недоумет всяк язык иновeрных благорешити по достоянию,/ како, явив пренебесную славу твою в открытии мощей твоих, преподобне,/ на лоне святiя Церкви Православный,/ аще послежде тыя в руке иносильных предати и соизволил еси,/ обаче паки оныя православным возвратити сотворил еси./ Мы же веруем и исповедуем, яко сие тако устроил еси/ вiщшаго ради прославления своего и обители своей Почаевския,/ яко и от латиноунитов благоговейно почитаемь был еси,/ да явиши всем несказанно,/ яко воистинну единая есть святая Церковь наша Православная,/ в нейже Бог прославляет святiя Своя,/ подай нам молитвами их мир и велию милость.

Слава, и ныне, Богородичен: <далее см. основной Чин>

Изменяемое №13

Тропарь *глас 4:*

Многострадальнаго праотца долготерпение стяжав,/ Крестителю воздержанию уподобляясь,/ Божественная же ревности обою приобщаясь,/ тех именa достойно прияти сподобился еси/ и истинная веры был еси проповедник безбоязнен:/ темже монахов множества ко Христу привел еси/ и вся люди в Православии

утвердѣл еси́,/ Йове преподобне отче наш,/ моли́ спастѣся душамъ нашимъ.

Ин тропарь, глас 4:

Возложь на ся́ иго́ Христо́во от юности,/ преподобне отче Йове,/ многолѣтне свято подвижался еси́/ на поприще благочестия во обители Угорницстей и на островѣ Дубенстем,/ и, пришед к горѣ Почаевстей,/ знаменанней цельбоносною стопою Пресвятыя Богородицы,/ в тѣсней пещерѣ каменной/ богомыслия ради и молитвы многократно заключался еси́,/ и, благодатию Божиею укрепляясь,/ мужественно потрудился еси́/ на пользу Церкви Христо́вы и обители твоея́,/ купно же и противу враговъ Православия и благочестия христіанскаго,/ и, наставив сицевому ополченію иночествующих,/ победители техъ представил еси́ Владыце и Богу./ Того́ моли́ спастѣся душамъ нашимъ.

<далее см. основной Чин>

Изменяемое №14

На хвалитѣхъ стихіры:

Стіх: Сотворити в нихъ судъ написанъ./ Слава сѣя́ будетъ всемъ преподобнымъ Егѡ.

Глас 8. Что тя наречѣмъ, преподобне отче нашъ Йове?/ Ангела ли земнаго, во плоти́ суща,/ яко, равноангельно поживъ,/ чинѡмъ ангельскимъ на Небесѣхъ приобщился еси́,/ с нимиже и виденъ былъ еси́ над обителию Почаевскою/ во время брани Збаражския,/ предстоя Царіце Небесней?/ Тѣмже празднующе память твою́, весело вопиѣмъ ти:/ радуйся, Йове, преславный угѡдникъ Божій/ и обители Почаевския украшеніе.

Стіх: Хвалите́ Бога во святыхъ Егѡ,/ хвалите́ Егѡ во утверженіи силы Егѡ.

Что тя наречѣмъ, славне?/ Человека ли Небеснаго житіемъ,/ яко, одухотворивъ плоть твою́/ небошественныхъ добродѣтелей деяніи,/ нетленія пренебеснаго свѣше сподобился еси́?/ Тѣмже к раце честныхъ мощей твоихъ припадающе,/ радостно зовѣмъ:/ радуйся, Йове, преславный угѡдникъ Божій/ и обители Почаевския украшеніе.

Стіх: Хвалите́ Егѡ на силахъ Егѡ,/ хвалите́ Егѡ по множеству величества Егѡ.

Что ты провещаваем, всеблаженне?! Пророка ли, яко провидел еси Блаженную кончину твою, реку ли воды животныя, струи многообразных дарований Божиих изливающую верным, и врача всем в болезнях сущим истинна?! Темже, яко скорому помощнику и молитвеннику о душах наших, к тебе прибегающе, усердно величаем тя, зовуще: радуйся, Йове, преславный угодниче Божий и обители Почаевския украшение.

Стѹх: Хвалите Егѡ во гласе трубнем, хвалите Егѡ во псалтѹри и гѹслех.

Глас 4. Днесь в памяти твоей, яко званный свѹше угодниче Божий, Лавра Почаевская веселится, иночествующих же собрание честное, ко гробу твоему притекше, во псалмех и пѣниях ликовствует, похваляюще живущаго в Горнем граде и хвалимаго во святых Своих Бѡга, с Нимже ныне живѣши, приемля почесть Горняго звания, Йове всеблаженне.

Стѹх: Хвалите Егѡ в тимпане и лице, хвалите Егѡ во струнах и органе.

На горѣ святѣй, идеже Божия Мати положи селение Своѣ, процвел еси, яко крин сельный, яко кедр, иже в Ливане, возвысился и, яко лоза благородная, умножился еси, званный свѹше; сению убо твоѣю осени притекающих к тебе, заступи и сохрани от козней врагов наших, борющихся на ны, и всякаго коварства и злоухищрения их, постави бо ты не всѹе Господь стража Россійстей земли, на крайних предѣлах отечества нашего, во обители твоѣй; тем, припадающе, молимся: державу Россійскую в Православии и мире соблюди и обитель твою, купно со всеми в ню притекающими, добре сохрани молитвами твоими, Йове всеблаженне.

Стѹх: Хвалите Егѡ в кимвалех доброгласных, хвалите Егѡ в кимвалех восклицания. Всякое дыханіе да хвалит Господа.

Россійския великия державы сынове, купно с живущими на Волинии и в предѣлах Привислянских, Литовских и Галицких, напоями струями душеполѣзных вещаний от хвалы преподобнаго, возвеселимся духовне, скончавающе пѣснь, и к нему, яко воистинну свѹше званному ходатаю и заступнику нашему, тако рцем: радуйся, Превѣчнаго Архиерея Христа верный служителю, и по смертнем успѣнии точай цель бы притекающим с верою и сущия в скорбех

люди заступаяй;/ радуйся, Царя Небеснаго и Владыки непобедимый
ратоборче,/ благочестивейших людей наших похвало, крепосте и
утверждение,/ споборниче же и предратниче на сопротивныя;/
радуйся, молитвенниче и сопредстоятелю Пресвятыя Богородицы
непрестанный,/ купно с иконою Ея честною и стопою
цельбоносою/ от всех на гору Почаевскую притекающих
почитаемый;/ радуйся, Ангелов Божиих и святых на Небеси
купножителю преизрядный;/ радуйся, столпе веры,/ Промыслом
Божиим на крайнем западе Россійския земли водруженный,/ да
всем от веры и праотеческаго благочестия отпадшим/ сыновом
запада иноземнаго/ путь добрый к истинному правоверию
покажешь;/ радуйся, Йове, преславный угодниче Божий/ и обители
Почаевския украшение.

Слава, глас 6: Не умолчим никогда, Богородице,/ силы Твой
глаголати, недостойнии,/ но, величеством чудес Твоих,/ иже на горе
Почаевстей, побеждаеми,/ со умилением вопиём Ти благочестно:/
радуйся, молитвами Твоими род человеческий спасающая;/
радуйся, всю вселенную благодатию от иконы Твоей заступающая;/
радуйся, всем во всякой потребе и нужде/ водою от стопы Твоей
полезная подавающая;/ радуйся, житие наше молитвами угодника
Твоего Йова Почаевского/ во всех нуждах и обстояниях наших добре
устрояющая;/ радуйся, похвало Почаевская,/ спаси ны, молящиеся
Тебе, надеждо наша и утешение.

И ныне, Богородичен: <см. основной Чин>

[Изменяемое №15](#)

[Кондак глас 4:](#)

Явился еси истинныя веры столп,/ евангельских же заповедей
ревнитель,/ гордыни обличение,/ смиренным же представителем и
научением:/ темже и ублажающим тя грехов отпущение испроси,/ и
обитель твою невредиму сохрани,/ Йове отче наш,
многострадальному подобный.

Ин кондак, глас 8:

Воссия от спуда земнаго сокровище нетленное мощей твоих,/
угодниче Божий,/ яко, благочестно пожив в вере Христа Бога

нашего,/ достигл еси добродетелей совершенства,/ и, оставль
сладость жития преходящаго,/ в пещере горы Почаевския в
пощениих, молитвах и трудах свято подвизался еси,/ и теми тело
твое увядил еси./ Ныне же, прешед к Богу в безмятежный и вечный
покой,/ молишия о всех с верою к тебе прибегающих./ Радуйся,
Йове, преславный угодниче Божий/ и обители Почаевския
украшение.

<далее см. основной Чин>

На Литургии

Изменяемое №20

Прокимен, глас 4: Праведник, яко финикс, процветет,/ яко кедр, иже в
Ливане, умножится. *Стих:* Яко не оставиши души моея во аде, ниже
даси преподобному Твоему видети истления.

Изменяемое №21

Аллилуия, глас 6: Дивен Бог во святых Своих, Бог Израилев. *Стих:*
Честна пред Господом смерть преподобных его.

Изменяемое №22

Причастен: Радуйтесь, праведнии, о Господе: